



**Garispandu Pengoperasian Sekolah Memandu dan Pengangkutan Bas Awam dibawah
Jabatan Pengangkutan Darat, Kementerian Pengangkutan dan Infokomunikasi
berikutan Perubahan Pengurangan Langkah-langkah Penjarakan Sosial dan Pelaksanaan
Tahap Lima (“*New Normal*” atau Kebiasaan Baharu) mulai 24hb Rejab 1442 bersamaan
dengan 8hb Mac 2021**

Garispandu **Pengoperasian Sekolah Memandu dan Pengangkutan Bas Awam** dalam Pelaksanaan Tahap Lima (“*New Normal*” atau Kebiasaan Baharu) adalah untuk dipatuhi oleh pengusaha atau pengendali sekolah memandu dan pengangkutan bas awam termasuk jurulatih/pelajar sekolah memandu serta pemandu/ penumpang bas awam mulai hari 24hb Rejab 1442 bersamaan dengan 8hb Mac 2021.

Berikut adalah garispandu bagi **Pengusaha atau Pengendali Sekolah Memandu dan Pengangkutan Bas Awam**:-

1. Dikehendaki untuk menyediakan kod QR yang bersesuaian dan mencukupi di premis atau kenderaan sekolah memandu/ pengangkutan awam masing-masing. Bagi memudahkan pelajar/ penumpang yang tidak mempunyai kemudahan untuk mengimbas kod QR, pengusaha atau pengendali boleh menyediakan buku daftar bagi mencatat butiran pelajar/ penumpang.
2. Memastikan setiap pelajar atau penumpang masih **DIMESTIKAN** membuat pengimbasan aplikasi BruHealth atau merekodkan butiran peribadi dalam buku yang disediakan, sebelum masuk dan sejurus sebelum meninggalkan premis atau kenderaan sekolah memandu/ pengangkutan awam.
3. Terus mengamalkan langkah-langkah pembersihan dan sanitasi ke atas premis dan kenderaan termasuk tempat duduk dan peralatan yang digunakan sepanjang masa. Langkah ini juga termasuk memastikan aliran udara (*airconditioning*) atau ventilasi yang baik.
4. Meneruskan amalan menjaga kebersihan diri pada setiap masa seperti kerap mencuci tangan atau menggunakan *hand sanitizer* serta menggunakan sungkup muka bila berada di kawasan yang penuh sesak. Tidak digalakkan untuk bersentuhan seperti bersalaman.
5. Mengasingkan diri, tidak memasuki / hadir / datang ke tempat-tempat awam dan segera berjumpa dengan doktor untuk mendapatkan rawatan apabila merasa kurang sihat.

Mana-mana Pengusaha atau Pengendali Sekolah Memandu dan Pengangkutan Bas Awam yang didapati tidak mematuhi Garispandu ini boleh dikenakan tindakan undang-undang di bawah Akta Penyakit Berjangkit Penggal 204.

Garispandu ini akan direviu dari masa ke semasa.

Rujukan : JPD/LITAR/5.8/3
Tarikh Dikemaskini : 22 Rejab 1442H / 06 Mac 2021